



**M**artinus natus est honestis parentibus Marti-  
no Luthero & Margaretha Islebiæ in Saxo-  
nia, 22 die Octob. anno salutis 1483. Erat is felici inge-  
nio & moribus placidis natura præditus. Itaq; parē-  
tes eū bonis literis addicarunt, atq; domi bonis præ-  
ceptoribus commendarunt, ut prima artium & lin-  
guarum fundamenta poneret. Cum uerò quatuor-  
decim annos natus esset, Magdeburgum ad scho-  
las mittitur, ibiq; per annum permanet. Erat tum ce-  
leberrima schola Iſenaci. Vnde eò se contulit, atque  
per annos quatuor ibidem magna diligentia operā  
literis dedit. Ab eo loco Erdfurdienſem Academiā  
uiſitauit, atq; anno ætatis uiceſimo artium liberaliū

Magiſter creatus fuit. Statuerat ipſe primò ex parentum uoluntate Iurispru-  
dentiæ operam dare, atq; iam aliquò uſq; progressus erat. Verùm huius uitæ  
fragilitatem conſiderans, illud ſtudium reliquit, atque Theologiæ incumbere  
propoſuit. Id ut commodius perſiceret, ſtatim ſequēti anno 1504 in ſcijs paren-  
tibus Erdfurdie collegium Eremitarum S. Auguſtini ingreſſus, eum ordinem  
ſuſcepit. Ibi per quatuor annos indefeſſo ſtudio Biblia legit & relegit, ac S.  
Auguſtini ſcripta coniunxit. Cum hoc modo libris inhæreret, Fridericus ele-  
ctor Saxonix Vuitenbergæ Academiā fundauit, atq; in eo ipſius Iohannis  
Stupicij ordinis Auguſtinianorum Vicarij generalis opera uſus fuit. Is cum  
Lutheri doctrinam & pietatem intellexiſſet, ipſum ad ſe Vuitenbergam uoca-  
uit, ut ſacras literas aliquando profiteretur. Itaq; ſuo Magiſtratu obtempe-  
rans, anno 1508 Vuitenbergam uenit, atq; docendo in ſcholis, & prædicando  
in templis ſeſe plurimùm exercuit. Erat autem tum inter monachos magnum  
diſſidium exortum, hinc factum ut Lutherus anno 1511 Romam mitteretur, ut  
eam rem componeret. Ibi Romanam curiam uidit, & mores prælatorum co-  
gnouit. Cum Vuitenbergam rediſſet, Stupicij hortatu Doctoris Theologiæ  
gradum aſſumpſit, Friderico electore, qui Lutheri doctrinam admirabatur,  
omnem ei ſumptum præbēte. fuit id anno ætatis triceſimo. Poſtea ſtatim Pſal-  
mos Dauidis explicauit, & Pauli epiſtolam ad Romanos expoſuit. Cum etiā  
diſcrimen legis & Euangeliij optimè intellexiſſet, admonuit hominem non  
ſuis operibus, ſed fide coram Deo iuſtificari. Bona autem opera fidem, ut um-  
bra corpus, neceſſariò ſequi. Ea autē quæ docebat, ipſe primus præſtabat, atq;  
ſingularem modeſtiam & humanitatem omnibus declarabat. Erat etiam mo-  
ribus pudicis & rara prudentia inſignis. Id etiam effecit, ut ab omnibus ſtudio-  
ſis unicè diligeretur.